

St. Dr.

594 990

I

dupl. D III F. 75

1886. v. 176.

Hist.

QUERELÆ
UNIVERSI CLERI IN
MAJORI POLONIA

& Diœcesi Posnaniensi


Super

barbara Austriaci militis insolentia¹, in Ordinem
Ecclesiasticum & Christi patrimonium
exercita

AD

SACRAM REGIAM
MAJESTATEM HUNGARIÆ
ET BOHEMIÆ, &c.

Directæ & scriptæ Posnaniæ d. 22. Ian.
M. DC. LVIII.



594990

II

SACRA AC REGIA MAJESTAS,

Domine Dn. Benignissime.



Celestiaci Ordines & Clerus Univerſus Majoris Poloniæ, Diœceſis Poſnaniensis, humiles ſervi & indigni apud Deum exoratores, ad thronum Sacræ Regiæ Majestatis Veſtræ iſto libello venerabundi accedimus: Novum id planè neque in hunc diem fortè auditum ab externo Regno ad Regem externum: Sed malorum novitas adèdò ſuperat, ut, quod in medicina fieri ſolet, conſumptis fruſtra veteribus, nova tam & externa remedia neceſſitate adaçti quæramus. Patiatur bonitas Auſtriaca indolesque alia & Regia Sacræ Majestatis Veſtræ, miſerias noſtras breviter ſibi narrari & quam in lubrico Res Sacræ, Clerus iſtius oræ, poſtremò fides Catholica, niſi magnitudine animi, pietate, Juſtitiâ, Clementiâ Sacræ Majestatis Veſtræ fulciantur.

Onerari invidiâ auxiliarem militem apud aures Sacræ Majestatis Veſtræ minimè velimus, illum præſertim egregiè de nobis meritum, cujus auctoritati ac terrori firmatam rem Poloniam libenter imus adſcriptum.

Novimus exercitum ſine annonâ haberi regi que non poſſe, ſed rationes noſtræ tot per annos attrita cogunt ingenuè fateri, nullas omninò vires opesvè nobis ſuppeterè, queis ferendo tanto oneri ſufficiamus.

Accedit, legiones per oppida ut plurimum Eccleſiastica diſpoſitas, patrimonium Chriſti lacerare, annonam & pecuniam ex agris multis exigere, jubereque ut in longinquas ſtationes alicubi ad decem, quindecim, vel amplius milliaria commeatus devehantur.

Commissionem seu Ordinationem hybernorum nullo Ecclesiastico vocato aut praesente peractam, Sanctuaria Parochorum omni Jure & consuetudine exempta occupari, alimenta eorum consumi, praedia & Curias quasvis Ecclesiasticas à milite insideri, boves, armenta mactari, abigi, non quantum licet, sed quàm libet, & quod acerbum longeque miserri- mum, neque ipsismet Dominis ad tolerandam vitam necessaria & propria permitti.

Equidem experiendo didicimus, inevitabilia hæc mala comitesque in bello Provinciarum calamitates ac ærumnas. Magna tamen spe duci- mur, exhaustis egentibusque à Clementia Regia Sacrae Majestatis Vestrae praesidium ac levamentum fore.

Ingentem modo animum Sacrae Majestatis Vestrae dignissimum hæc cura exerceat, eversis Ecclesiasticis bonis, Sacerdotes victus inopia (pro- ut nunc evenit) à templis & altaribus discessuros, subituram hæresin, cui pridem validæ in hac provincia compendium ad praesens videtur occasio- ne publici mali partes suas longe proferendi.

Porro innata Clementiae & Magnitudini animi Sacrae Majestatis Vestrae humillimè & cum lacrymis supplicamus, velit jubeatque Sacra Ma- jestas Vestra cultum divinum & patrimonium Christi relaxatione à tantis tamque impossibilibus oneribus conservari.

Rependet Deus ter Optimus tanto erga nos Sacrae Majestatis Ve- strae beneficio longævam vitam, tranquillum Imperium, lata incrementa, immortales terra cæloque triumphos, quod nos animitus oramus rove- musque. Datum Posnaniae die 22. Januarii Anno 1658.

Sacrae, ac Serenissimae Majestatis Vestrae,
Dni. Dni. Benignissimi,

Servi & adoratores humillimi

Albertus Tholibowski Episcopus
Posnaniens. mpp.

Andreas Blzowski Praepositus Posnaniensis,
Capituli Ecclesiae Cathedralis & Cleri
Diocesis Posnaniensis nomine mpp.



